



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კასია



კასია

კასია (Cassia), მრავალწლოვანი ბალახის, ბუჩქების ან ტანდაბალი ხეების გვარი ცებალპინიასებრთა ოჯახისა. 500–600 სახეობა გავრცელებულია ორივე ნახევარსფეროს ტროპიკებსა და სუბტროპიკებში. სამკურნ. მნიშვნელობა აქვს სინამაქის ხეს (*C. acutifolia*), რ-ის სამშობლოდ სუდანს მიიჩნევენ. მისი ერთწლიანი კულტურა გვხვდება შუა აზიასა და ყაზახეთში. საქართველოში ხარობს სუბტროპ. მცენარეთა სარტყელში. ბუჩქის სიმაღლე 1,5 მ აღწევს. სამკურნალოდ იხმარება მისი ფოთოლი, რ-იც „ალექსანდრიული ფოთლის“ (სინამაქის ფოთლის) ან სენას სახელით არის ცნობილი, აგრეთვე პარკი (ალექსანდრიული პარკი); შეიცავს

ანტრაგლიკოზიდებს. ხ ი ა რ ი შ ა მ ბ ა რ ი, ანუ ხეჩერხელა (*C. fistula*) საქართველოში ეგვიპტიდან და ინდოეთიდან შემოჰქონდათ. გამოიყენება ხალხურ მედიცინაში.

ნ. ნუნუავა
